


Nakhwakaiik'it Danh

Diizheh Gwizhìt

Diik'àtr'inahtii



Juudìn akòots'ants'at gwiiniindhan jì' aii dinjii srìnalii vàh goondak. Nakhweenjit gòo nakhwilàk veenjìt akòo t'àgidi'ii gadiinji'ohthat jì' gwizraih akòo t'àgiteedi'yaa.

Jidii viinothan geh'àn duulèh leii kat nakhwets'at tr'igiteendal. Dinjii srìnalii kat, elts'ik k'ànahtii kat, diizheh gwizhìt k'ànahtii kat, nehsrìjàhch'uu k'ànahtii kat akòots'ants'at gugwitr'it zhàn nilii.

Òozhii ohtii srò' - goovoodohkat.

Juudìn vits'at gitihkhyàh?

Duulèh zrit nakhwanh gòo nakhwilàk zrit vits'at tr'iheendal, yehzhee goots'at ginohkhii:

Thabachaa	872-6222
Diniinu Kọẹ	394-5010
Liidlaii Kọẹ	695-7043
T'oo Deetshik	874-7115
Inuvik	777-8048
Luktsal K'it	370-3115
Laiichik Zheh	392-3018
Sriitsookaiik'it	920-3338

Gehkhee ts'at jii ihdichih goots'at ginohkhii aii k'ighe' duulèh guuk'it tohlyaa yinothan ji' nakhwets'at tr'igiteendal.

Gwich'in
February 2005


Nakhwakaiik'it Danh Diizheh Gwizhìt Diik'àtr'inahtii



Nakhwakaiik'it Danh

Diizheh Gwizhìt

Diik'àtr'inahtii



Diizheh gwizhìt diik'àtr'inahtii gwinuh jì' dàgwìnuu?

Jùu t'àgwidi'ii dàì diizheh gwizhìt sriitr'agwandaii eenjit nakhwàh gòonlih jì' gadiinjigidizhìt aii geenjit hàh gwitr'it t'atr'agwah'ii.

Duuyeh geenjit goohohkat kwaa.

Anjòo leii ts'at kheenjit k'àtr'inahtii kwaa kat gooveenjit akòo t'àgidi'ii, geh'àn duuyeh yeh'òk izhii kaiik'it gwits'at tr'eedah.

Duulèh nakhwets'at tr'igiinjih jì' jùhts'ants'at akòo t'àgidi'ii:

- jidii dinjii srinalii gòo elts'ik k'ánahtii agòondaii diits'an altsaii aii hàh diits'at tr'iinjii.
- juudin diidàazhii hàh nakhwak'ánahtii eenjit goots'at tr'iinjii.
- duulèh nakhwadindeh eenjit akòo t'òkhwe'ii nakhwetr'àhnuh jì' aii hàh diits'at tr'iinjii.
- Adisriinàgòhnjii gwichih duuyeh elts'ik zheh gwizhìt gòo nakhwezheh gwijiikkeh gwizhìt t'ahohch'yaa yinothan jì' ezhik danh nekhwets'at tr'iinjii.

Jidii srit dèe vat'agwàdałch'yaa?

Aii elts'ik k'ánahtii nilii jidii nakhweenjit gwiteezaa geenjit nakhwets'at tr'iteendal:

Loo hàh nakhwak'ánahtii geenjit:

Gwiint'òh ts'ik (soogaii ts'ik gwik'it) hàh dhohts'ik jì', aii dinjii gòo tr'iinjoo diik'ánahtii nilii aii chan nekhwets'at tr'iteendal sriigòhndaii geenjit.

Elts'ik Zheh cheechìdhoojil t'ee:

Jùk elts'ik zheh cheechìdhoojil gwàt tth'aih sriigòhndaii kwaa, diizheh gwits'ee k'aokhwidal duulèh nakhwets'at tr'iteendal gòonlii.

Niinzhìt ts'ik hàh dhohts'ik jì':

Ts'ik hàh niinzhùk dhohts'ik jì' (Dluh ts'ik gwik'it), aii dinjii gòo tr'iinjoo diik'ánahtii nilii duulèh nakhwets'at tr'iteendal.

Shìh nizrii hàh:

Viinothan jì', shìh hàh gisriinàgòhnjii eenjit diits'at tr'iteendal. Nijin gwà'àn gòonlih jì' duulèh shìh diint'atr'ahkaii.

Adisriinàtr'ahnjii eenjit:

Dinjii gòo tr'iinjoo zrit goodrin gwichih adisriinàtr'ahaandal geenjit diinjigidizhit jì' aii dinjii gòo tr'iinjoo nakhwezheh'oo hàh diits'at tr'iinjii diiyàh heedyaa.

Adik'àtr'inahtii eenjit:

Adik'èe'ohtraa, nagwadoozhii, adoo'aa, aii diik'ánahtii chan diits'at tr'iinjii chan diiyàh heelyaa.

Nàtr'agwaazhii eenjit:

Nekhwaazhii ihlee shik nakhwak'ánahtii, geetàk ihlèh zrit diits'at tr'iteendal aii ihlee zrit uu'àn nahaazhaa eenjit.